



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Urbanizëm, Planifikim dhe Mbrojtje të Mjedisit
Odelenje za Urbanizam, Planiranje i Zast. Sredina

-XII-

Nr. i prot. 104
Br. prot.

Më 07.07.2020
Dt.

RAHOVEC - ORAHOVAC



REPUBLIKA E KOSOVËS/ REPUBLICA KOSOVA/ REPUBLIC OF KOSOVO

KOMUNA E RAHOVECIT/ OPŠTINA ORAHOVAC/ MUNICIPALITY OF RAHOVEC



DREJTORIA PËR URBANIZËM, PLANIFIKIM DHE MBROJTJE TË MJEDISIT

RAPORT GJASHTËMUJOR I PUNËS

JANAR – QERSHOR 2020

Rahovec, korrik 2020

DREJTORIA PËR URBANIZËM, PLANIFIKIM DHE MBROJTJE TË MJEDISIT

Në fillim të vitit 2020, Drejtoria për Urbanizëm, Planifikim dhe Mbrojtje të Mjedisit ka publikuar planin vjetor të punës, në të cilën është bazuar edhe në punën e bërë në gjashtëmujorin e parë për të cilën do të raportohet në këtë raport pune për muajt; janar - qershor.

Aktivitetet në periudhën: janar - qershor

Pas miratimit të buxhetit për vitin 2020 nga Kuvendi Komunal i Rahovecit, Drejtoria për Urbanizëm ka përgatitur materialin për shpalljen e procedurave të tenderimit publik për hartimin e projekteve të ndryshme të Komunës së Rahovecit, procedura momentalisht është në fazën e përfundimtare të lidhjes së kontratës.

Poashtu, janë pranuar detyra projektuese për projekte të reja në komunën e Rahovecit, siç janë: Qendra e Mjekësisë Familjare në Opterushë, Mbulimi i pllatosë ku zhvillohet festivali "Anadrinia Jehon", shtigje të ecjes, renovimi i stacionit të autobusëve, rregullimi i shtretërve të përrrenjve e projekte tjera me interes për qytetarët e komunës e Rahovecit.

Kanë vazhduar aktivitetet dhe takimet me kompanitë konsulente për hartimin e Planit Zhvillimor dhe Hartës Zonale të Komunës së Rahovecit. Plani Zhvillimor është në prag të finalizimit, jemi në pritje të marrjes së pëlqimit nga Ministria Ekonomisë dhe Ambientit dhe të vazhdohet me procedurën e shqyrtimit publik dhe pastaj për aprovim në Kuvend, ndërkaq rreth hartimit të Hartës Zonale është pranuar drafti i parë i gjendjes ekzistuese dhe puna është duke vazhduar sipas planit të paraqitur në kontratë.

Plani Lokal i Veprimit në Mjedis, plan mjedisor që është hartuar për herë të parë në Komunën e Rahovecit, pasi është dalë në shqyrtim publik me lejen e Kuvendit të Komunës së Rahovecit është miratuar në seancën e marsit të Kuvendit Komunal Rahovec.

Janë shënuar me aktivitete simbolike ditët ndërkombëtare mjedisore, dita e ujit, dita e tokës dhe dita botërore e mjedisit. Në ditën botërore të mjedisit, më 5 qershor, janë shpallur fituesit e konkursit për oborrin më të rregulluar, rrugën më të pastër etj.

Procesi i trajtimit të objekteve pa leje në Komunën e Rahovecit është duke vazhduar, janë pranuar kërkesa të shumta nga qytetarët për t'i legalizuar objektet e tyre, lëndët po shqyrtohen me kujdes, disa prej kërkesave janë futur në listën e pritjes për legalizim, pasi kështu është përcaktuar me ligjin për trajtimin e objekteve pa leje, pasi këto objekte janë të ndërtuara në tokë jo-ndërtimore apo për arsye tjera që përcaktojnë futjen në listën e pritjes, ndërkaq janë legalizuar objektet që i kanë plotësuar dhe i kanë përmbushur të gjitha kriteret për legalizim.

- Bashkë me UN-Habitat kemi vazhduar procesin e planifikimit dhe shpalljes së konkursit ndërkombëtar për hartimin e projektit ideor të sheshit qendror të qytetit në Rahovec. Sipas marrëveshjes që kemi lidhur me këtë organizatë të specializuar të Kombeve të Bashkuara, planifikuesit urban janë vendosur në zyrat e Drejtorisë së Urbanizimit dhe në bashkëpunim me ta kemi përfunduar një pjesë të konsiderueshme të punëve të parapara, janë përfunduar matjet gjeodezike, është formuar ekipi komunal për planifikim, me vendim të Kryetarit, janë mbledhur të dhëna të pjesës ku planifikohet të ndërtohet sheshi, janë marrë informata gjeodezike dhe kadastrale, janë shpallur disa pjesë me vendim të Kuvendit Komunal, në interes publik për ndërtimin e sheshit, është bërë plani për mbajtjen e diskutimeve publike në fund të marsit, mirëpo për shkak të masave të Qeverisë së Kosovës për mbrojtjen nga Virusi Corona, janë shtyrë në një afat të papërcaktuar diskutimet me qytetarë dhe si forme alternative për të marrë mendimet e qytetareve, në muajin qershor kemi publikuar një pyetësor online, në të cilën qytetarët kanë mundësi të japin mendimet dhe idetë e tyre rreth vizionimit të konkursit ndërkombëtar për dizajnimin e sheshit qendror të qytetit të Rahovecit.
- Projekti i ndërtimit të tetë parqeve në Komunën e Rahovecit ka vazhduar edhe në këtë gjashtëmuor, ka përfunduar ndërtimi i parkut në Sopniq, në Pataqan të Poshtëm, në Malësi të Vogël, në Dobidol, në Celinë dhe ndërtimi i oborrit të shtëpisë së fshatit në Senoc. Punimet po vazhdojnë në Zaqishtë do të vazhdohet edhe ndërtimi i parkut në Ratkoc.
- Ndërtimi i kullës prej guri për heronjtë Xhelal Hajda – Toni dhe Selajdin Mullabazi – Mici të vendi i rënies mbi fshatin Operushë, ka vazhduar ndërtimi i objektit, momentalisht po punohet në punët me gurë.
- Ndërtimi i shtatores për heroin Feim Gashi është përfunduar, është përfunduar edhe shkrirja në bronz, është planifikuar në prill të vendoset së bashku me shtatoren e heroit, vëllait të Feimit, Bedrush Gashi, në qendër të fshatit Drenoc, mirëpo për shkak të pandemisë, vendosja e shtatoreve është shtyrë në një afat të pacaktuar. Drejtoria për Urbanizëm, Planifikim dhe Mbrojtje të Mjedisit si menaxhuese e këtij projekti së bashku me operatorin e kontraktuar ekonomik do të jenë të gatshëm ta vendosin me kohë shtatoret për heronjtë Bedrush e Feim Gashi, si të krijohen mundësitë për organizime e tubime.
- Është shpallur tenderi për ndërtimin e varrezave të deshmorëve dhe martirëve në fshatin Celinë si dhe rregullimin e renovimin e të gjitha pllakave, përmendoreve, pllatove, rrethojave të vend rënies në komunën e Rahovecit. Pas përfundimit të hartimit të projektit do të nisim procedurat publike për lidhjen e kontratës.
- Në grantin e performancës që ka fituar Komuna e Rahovecit, në buxhetin e ndarë për rregullimin e shtretërve të përrënjeve në komunën e Rahovecit, Drejtoria për Urbanizëm, Planifikim dhe Mbrojtje të Mjedisit ka hartuar projektet për trajtimin e përroskave në Operushë, Pataqan të Poshtëm, Malësi të Vogël dhe Polluzhë. Momentalisht projekti është në procedurë të prokurimit publik.
- Ka përfunduar ndërtimi i lapidarit “Altari i Lirisë”, kushtuar martirëve të fshatit Guri i Kuq. Lapidari është zbuluar më 14 qershor, në ditën e Çlirimit të Rahovecit.

- Rahovec, korrik 2020

Drejtor i Drejtorisë për Urbanizëm, Planifikim Mbrojtje të Mjedisit

